



## **UJARAK** **QAARSUP INUA**

**QAQQAT QAARSULLU  
INUUFFIGAAGUT AAMMALU  
PISUUSSUTINIK AKOQARPOT.  
QAARSUP INUATA INUUFFITTA  
PAARILLUARNISSAAT AAMMALU  
MINGUTSINNEQANNGINNISSAAT  
SORSUUTIGAA.**

**QUPPERNERNI TULLIUTTUNI UJARAK  
PILLUGU OQALUTTUAQ TUSARNAARSINNAAVAT  
– TUSARNAARLUARNA, TASSAMI  
PIKKORISSORUJUSSUOVOQ!**



## UJARAK, QAARSUP INUA

Ujarak angutaavoq angisooq, oqimaatsoq saamasorlu. Ullut ilaanni nunakkoorluni ingerlaarusaarpoq. Timini ujaqqanik qaarsunillu sanaajusoq nukittoq atorlugu allorarusaarpoq. Qaarsukkut taamaallaat annikitsunik naasoqartukkut, allanik soqanngitsukkoorluni ingerlavoq. Qaarsut nuisanerpaat soqannginnerpaallu najorlugit nuannaraa. Nuna peqqarniitsutut isikkulik, anori nillertoq aammalu qaqqannguit qaavanniit isikkivigissut nuannarai.

Ujaqqap ujaqqat, qaarsuit suullunniit qaqqallu tamaasa nalunngilai. Nalunngilaa ujaqqat assigiinngitsorpasuuusut, soorlu ukkusissaq, granitti, kvartsi aammalu sillisissat. Tamaasa nuannarilluinnarpai aammalu ulloq taanna pisulluni ujaqqat assigiinngitsut, sumiinersut aammalu ilaaitigut imminnut qanoq akulusimasarnersut, isiginnarlugit nuannisariluni.

Ujarak inussuliorliarluni ulloq taanna eqqarsarpoq. Inussuk inuit aqqtissaannut iluaqutaasinnaavoq, peqatigisaanillu ujaqqat inuillu imminnut iluaqutigisinnaasut takussutissaasoq eqqarsarpoq. Taamaattumik Ujarak inussuliasaminut ujaqqanik katersilerpoq. Ujararujussuaq allerpaa-jusussaq, ujaqqat mikisut akornanniittussat aammalu ujaqqat saattukujuut ujaqqat allat qaavannut iliuminartut nasarai. Nuannisarorujussuuvoq, aammalu ulloq taanna nuannarlugu. Taliminik nukittuunik ujararujussuit inuit kivinniarunikku assaassuarnik atuiffigisartagaat kivissinnaavai.


Inussuliani naammassileramiuk taanna meterit arlallit portussuseqarpoq. Taamaattoq Ujaqqap ujaraqqat kingullit qaavanut ilinialerlugillu eqqumiitsumik takusaqarpoq. Ujaqqat iligaangagit aalatinneqartarput assakaatillugit. Soorluli sajukulasartut, soorlu nuna sajulaartartoq. Ujarak sequnngerpoq aammalu malugisaqarsinnaanerluni timerujussuarmini ujaraasumi maluginiarsarilerlugu. Eqqarsarpoq imaassinnaasoq nuna sajuttoq, kisianni maluginiarsarigamiuk allatut misinnarpoq. Sajukulasuaanavippoq, allaanani nuna qatimaattoq.



Susoqarnersooq Ujaraap paasisinnaangilaa eqqanilu qinilerlugu. Innami appasinnerusumi aammalu ungasissorujussuar mi takuneqarsinnaanngingajattumi inuit maskiinallit takusinnaavai. Innami putorujussualiorsimapput. Ujarak arriitsumik inuit tungaannut aallarpoq. Taamaattoq ittoortorujussuuvoq, taamaattumillu avungarujussuaq sanioqqullugit takunnginniassammanni. Inuit illuatungaanni aammalu qooqqumi appasinnerulaartumi tasinnugaq tikippaa. Inuit maskiinai sungaartunik qernertunillu qalipaattillit suli takusinnaavai, nipiliornerallu tusaasinnaalerpaa aammalu nunami qaarsunilu sajukulaarnerit malugisinnaalerlugit.

Tasinguup eqqaani, tassa qooqqumi innami inuit putuliaanniit appasinnerulaartumi tutut ataatsimoorlutik ingerlasut nerisullu takuai. Tuttuaraq piaraq tatsip sinaanukarpoq imermik nillertumik mamartumik imerniarluni. Ujarak nikorfavoq uumasullu isiginnaarlugit, tamaasalu kusagisorujussuullugit.

Tassanngaannaq eqqumiitsumik pisoqalerpoq. Tuttuaraq taanna merialerpoq. Pingasoriarluni meriarpoq aammalu ajortorujussuanngortutut isikkoqarluni. Tuttuaqqap arnaata ornikkaa Ujaraap takusinnaavaa. Tuttuaqqap anaanaata imeq usserpaa ingerlaannarlu oriaqqillugu, imeq mamangitsorujussuuvoq ersarilluinnarpoq, naak seqernup qinngornerani kusanartutut minguitsutullu isikkoqaraluarluni. Tuttuaqqap anaanaata ilani allat imeq ajortoq pillugu kalerrisaarpai, taakkualu qooqqup tulliaata tungaannaanun ingerlapput.





Suna misiginerlugu Ujarak eqqarsarpoq, aammalu imeq tassaniittoq soq mamaannersoq paasisinnaanagu, Kallaallit Nunaanni tatsit nalinginnaasumik taama mamar-tartigisut. Taava eqqaalerpaa inuit innami putuliorsimasut maskiinarujussuatik atorlugit. Arriitsumik allorujussuutarluni inuit tungaannaanut pisulluni aallarpoq, sunersut, aammalu tamanna erngup ajortissimaneranut tunngasuteqarsinnaanersoq takusarniarlugu.

Ujarak tikingilaarlugit unippoq aammalu innami inuit putularujussuat isiginnaalerlugu. Nalunngilaa qaqqami tassanerpiaq kuulteqartoq. Savimineq kusanartoq qaam-martikkaanni kissalaartumik qillertunngortarpoq, aammalu inuit pinnersaasiarisarpaat ujamiluuttarlugulu. Ujarak eqqarsarpoq taanna tassaasimassasoq inuit kuulteqarfit-tut taasagaat. Qaarsumi putorujussuaq inuit iserfigisarta-gaat kuultinik ujarlerniarlutik aammalu qilleruterujussua-mik qaqqami qilleriniarlutik. Aamma inussuliaata sajuku-laarneranut tamanna pissutaasimagunarpoq.

Ittuulaarami suli takutikkusuppallaanngilaq, taamaattumik arriitsumik pisuppoq misissuilaarlunilu. Tassanngaannaq takulerpaa aappaluttumit kipparissorujussuarmiit imerpa-lasumik eqqumiitsumik kuuttoqartoq. Imerpalasoq eqqu-miitsoq kuunnguup tungaanut kuuppoq, tassani imermut akuliulluni aammalu tatsimut kuulluni. Ujarak taamaattu-mik siornatigut takusimannngisaannarpoq, taamaattumik eqqarsarpoq taassuma imeq mamarunnaarsissimassa-gaa. Taamaattoq naluaa qanoq tamanna unitsissanerlu-gu, eqqarsarporlu inuit ornittariaqalerlugit oqaloqatigisa-riaqalerlugillu.

Taamaattumik Ujarak timini ujaraasoq atorlugu qaarsumi putukkoorluni iserpoq. Inuk siulleq naapitaa angutaavoq niaqqumini sungaartumik niaquarnaveeqquteqartoq. Inua ujaqqamik sanaajusoq aatsitassarsiorfimmuit iseria-taarmat angut tupattorujussuuvoq. Taamaattoq takusin-naavaa qaarsup inua inussiarnersuusoq, aammalu eqqis-sisalaariarluni suleqatini suarlugit.

Qatituumik eqqissisimasumillu nipeqarluni suut takusima-nerlugit Ujarak oqaluttuarpoq. Taseq, tuttu, imeq imerne-qarsinnaasoq ajortissimasoq aammalu baaliमित aappa-luttumiit imerpalasoq eqqumiitsoq pillugit oqaluttuuppai. Ujarak imerpalasoq eqqumiitsoq baaliमित aappaluttu-miitsoq kuummut kuuttoq oqaluttuarmat inuit ersisorujus-suangorput putumiillu arpaannaq aniallutik.

Inuit tamarmik sivirusumik ilungersorlutik sulipput. Imerpa-lasup unitsinnissaa pingaartitorujussuuaat, taamaalluni kuummut kuuttoqarunnaassalluni. Putoq matoreeramikku Ujarak uterfigaat. Tamanna takusimammagu qutsavigiso-rujussuuaat. Oqaluttuarput imerpalasoq akuutissaasoq toqunartoq kuultinik errortuinerminni atortagartik. Anner-tuallaq pigunikku uumasut inuillu napparsimasorujussu-annorsinnaapput. Qujanartumik kuuttoq annertoorujus-suusimannngilaq, kisianni taamaakkaluartoq inuit tamanna kanngutsaatigisorujussuuaat.

Ujaqqap inuit inuulluaqquai, taakkualu neriorsuipput taa-maattoqaaqqinngisaannassasoq. Qaarsup inua ullup sin-nera qaqqami pisorusaarpoq aammalu imerpalasumik navianartumik taamaattumik qaqqami kuuttoqartoq aam-malu imermik mingutsitsisinnaasoq sianiilliornerusoq eqqarsarluni. Neriutigaa inuit siunissami tamanna aqus-sinnaanerussagaat.



NUNARSUAQ TAMAKKERLUGU ANGUNIAKKAT:



# NUNARSUARMİ ANGUNIAKKAT

**NUNARSUARMİ ANGUNIAKKAT** 6 erngup imerneqarsinnaasup minguitsuunissaanut tunggassuteqarpoq. Imeq imerneqarsinnaasooq suminngaanneernersoq, aammalu pinngortitap najukkatta ajoqusiisartunik akuutissaqalinnginnissaata pingaaruteqarnera oqaluuserisigit. Aatsitassarsiorfiit taakkualu sulerisarnersut oqaluuserisiuk. Assersuutigalugu aatsitassarsiorfiit akuutissanik navianartunik kuutsitsinnginnissaq qanoq mianersuuttorujussuusinnaaneraat oqaluuserisiuk. Pinnguaritsi ilissi Ujaraalluni tutunuk isiginnaartoq imaluunniit inuit kuultisiorfiannik misissuisoq.

**NUNARSUARMİ ANGUNIAKKAT**  
**KORTIT BAMSIP KARSIANIITTUT**  
**QAQIKKIT AAMMALU NUNARSUARMİ**  
**ANGUNIAGAQ MATUMA SIULIANI**  
**TAANEQARTOQ OQALUSERALUGU**

